

Ո Ր Ո Շ ՈՒ Մ N 908/1
/վարչական տույժ նշանակելու մասին/

«22» սեպտեմբերի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով Ջոլոյեվ Ալան Ուոուզմագովիչի (անձնագիր՝ 729288348, հասցեն՝ Լոռու մարզ, Մոսկովյան 52/2 շ., 30 բն.) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Ջոլոյեվ Ալան Ուոուզմագովիչի անվամբ թիվ 05100010/311219/0126347 ապրանքների հայտարարագրով «Մաքսային տարածքում վերամշակում» մաքսային ընթացակարգով՝ մինչև 29.06.2020 թվականը, հայտարարագրվել է «TOYOTA ALPHARD» 2008 թվականի արտադրության աջակողմյան դեկային տեղաբաշխմամբ մարդատար ավտոմեքենա, սակայն սահմանված ժամկետում նշված ավտոմեքենան չի արտահանվել կամ ձևակերպվել այլ մաքսային ընթացակարգով, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արարատյան մաքսատուն-վարչության ԳՀՀ բաժնի ավագ մաքսային տեսուչի կողմից 25.08.2020 թվականին Ջոլոյեվ Ալան Ուոուզմագովիչի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ գործի քննությունը նշանակվել է 22.09.2020 թվականին ժամը 10:00-ին: Գործի քննության վայրի և ժամանակի մասին ծանուցումն առաքվել է վերջինիս հասցեով: Համաձայն սահմանահատումների պատմության՝ Ջոլոյեվ Ալան Ուոուզմագովիչը 03.02.2020 թվականին մեկնել է ՀՀ-ից, ուստի, ղեկավարվելով ՀՀ մաքսային օրենսգրքի 219-րդ հոդվածի 2-րդ մասով, գործի քննությունն իրականացվել է վերջինիս բացակայությամբ:

ԵԱՏՄ մաքսային օրենսգրքի 163-րդ հոդվածի 1-ին մասի համաձայն՝ «Մաքսային տարածքում վերամշակում» մաքսային ընթացակարգն օտարերկրյա ապրանքների առնչությամբ կիրառելի մաքսային ընթացակարգ է, որին համապատասխան՝ Միության մաքսային տարածքում այդպիսի ապրանքների հետ կատարվում են վերամշակման գործողություններ՝ դրանց վերամշակման արդյունքներ ստանալու նպատակով, որոնք նախատեսված են Միության մաքսային տարածքից հետագա արտահանման համար՝ առանց այդպիսի օտարերկրյա ապրանքների առնչությամբ ներմուծման մաքսատուրքերի, հարկերի, հատուկ, հակազնազցման, փոխհատուցման տուրքերի վճարման՝ պահպանելով այդ մաքսային ընթացակարգով ապրանքների ձևակերպման և դրանց օգտագործման պայմանները՝ այդ մաքսային ընթացակարգին համապատասխան:

Նույն օրենսգրքի 164-րդ հոդվածի 2-րդ մասի 1-ին կետի համաձայն՝ «Մաքսային տարածքում վերամշակում» մաքսային ընթացակարգին համապատասխան ապրանքների օգտագործման պայմաններից է «մաքսային տարածքում վերամշակում» մաքսային ընթացակարգի գործողության սահմանված ժամկետը պահպանելը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների հասկացումն է համարվում անձին համարվել, որն անհատական է:

գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Զոլոյեվ Ալան Ուոուզմագովիչի անվամբ թիվ 05100010/311219/0126347 ապրանքների հայտարարագրով հայտարարագրված ավտոմեքենան «Ներքին սպառման համար բացթողում» մաքսային ընթացակարգով հայտարարագրելու դեպքում կառաջանա 177,489 ՀՀ դրամի չափով մաքսատուրքի, 390,476 ՀՀ դրամ ԱԱՀ-ի և 177,489 ՀՀ դրամ բնապահպանական հարկի գումարներ: Այսինքն մաքսային վճարների մեծության չափը կազմում է 567,965 ՀՀ դրամ (177,489 ՀՀ դրամ մաքսատուրք, 390,476 ՀՀ դրամ ԱԱՀ):

Այսպիսով, վարույթի նյութերով հիմնավորվում է, որ Զոլոյեվ Ալան Ուոուզմագովիչը սահմանված ժամկետում չի արտահանել թիվ 05100010/311219/0126347 ապրանքների հայտարարագրով «Մաքսային տարածքում վերամշակում» մաքսային ընթացակարգով հայտարարագրված ավտոմեքենան, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:


Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար Զոլոյեվ Ալան Ուոուզմագովիչին ենթարկել վարչական պատասխանատվության՝ տուգանելով **283,983 ՀՀ դրամ**:
2. Որոշման մասին իրազեկել Զոլոյեվ Ալան Ուոուզմագովիչին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:

3. Որոշմամբ նշանակված տուգանքի վճարման հաշվեհամարն է 900005024055-ը
(ՀՀ պետական բյուջե, կենտրոնական գանձապետարան, Արարատյան
մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ